

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JAVNA USTANOVA OSNOVNA ŠKOLA
"NAFIJA SARAJLIĆ"
S A R A J E V O

Na osnovu člana 96. Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19,34/20,33/21), Zaključka o usvajanju informacije o epidemiološkoj situaciji covid-19 u Federaciji Bosne i Hercegovine na dan 23.08.2021. godine s prijedlogom naredbi i preporuka Kriznog štaba Federalnog ministarstva zdravstva od 26.8.2021.godine ("Službene novine F BiH". br.69/21), Zaključka Vlade Kantona Sarajevo, broj: 02-04-31997-5/21, od 26.8 2021. godine, Upustva Ministarstva za odgoj i obrazovanje Kantona Sarajevo o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo broj: 11-04-34-32471-1/21 od 27.8.2021.godine, Tim za upravljanje kriznim situacijama donosi

KRIZNI PLAN PRIPRAVNOSTI

Član 1.

(Tim za upravljanje kriznim situacijama)

Tim za upravljanje kriznim situacijama u JU OŠ "Nafija Sarajlić" Sarajevo čine:

1. Aida Petković, direktor škole
2. Admira Kulenović, sekretar škole
3. Elma Brkanić, pedagog škole
4. Ramiz Subašić, domar škole

Član 2.

(Postupak i mjere)

(1) Nastavni proces:

Nastavni proces će se odvijati u skladu sa Upustvom Ministarstva za odgoj i obrazovanje Kantona Sarajevo o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo broj: 11-04-34-32471-1/21 od 27.8.2021.godine i Izmjene Upustva Ministarstva za odgoj i obrazovanje Kantona Sarajevo o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo broj: 11-04-34-32471-2/21 od 6.9.2021.godine uz poštovanje svih epidemioloških mjera.

(2) Obavezni postupak za sve radnike škole:

(1) Ako se osoba osjeća bolesno sa simptomima (glavni simptomi: povišena tjelesna temperatura, kašalj, gubitak čula njuha/okusa, malaksalost; ostali simptomi: bolovi, glavobolja, konjuktivitis, proljev, osip na koži), važno je da ne dolazi na posao. Zaražena osoba treba da kontaktira nadležni dom zdravlja kako bi prijavila simptome tj.da postupi prema smjernicama koje su propisane od nadležnih tijela u slučaju pandemije. Također je potrebno informisati upravu škole, ukoliko je neko od radnika bio u kontaktu sa zaraženom osobom.

(2) Ako osoba osjeća simptome dok je na poslu, u slučaju povišene tjelesne temperature ili bilo kojeg respiratornog simptoma, veoma je važno da ista ne nastavlja posao, treba da obavijesti nadređenog i da se javi izabranom ljekaru porodične medicine. Zaražena osoba treba da obavezno kontaktira nadležni dom zdravlja kako bi prijavila simptome tj. da postupi prema smjernicama koje su propisane od strane nadležnih tijela u slučaju pandemije.

(2) Zdravstvene mjere:

Virus se širi sa osobe na osobu kada inficirana osoba kašlje, kiše i kada svojim rukama dira druge stvari koje i drugi koriste. Sljedeće stvari je korisno uraditi kako bi zaštitili sebe i druge:

- Često perite ruke toplom vodom i sapunom minimalno 20 sekundi. Uvijek to uradite nakon kašljanja i kihanja;
- Ruke perite čim uđete u kuću ili dođete na posao;
- Često perite površine koje često dodirujete;
- Kašljite i kišite u svoj lakat, a ne u dlan;
- Ne dodirujte svoje lice neopranim rukama;
- Ostanite kući ako ste bolesni i imate simptome gripe;
- Naučite se osnovnim principima njege kod kuće u slučaju bolesti;
- Koristite zaštitne maske kako bi ste smanjili mogućnosti širenja zaraze na druge;
- Koristite jednokratne maramice;
- Držite dozvoljenu distancu od drugih ljudi.

(3) Mjere koje sprovodi tim za upravljanje kriznim situacijama:

Primarna akcija treba da se odnosi na važnost brzog djelovanja i samoizolacije osobe sa simptomima.

Poslodavac/tim treba da osigura sljedeće:

- Podsjećati radnike na prepoznavanje znakova i simptoma bolesti;
- Podsjećati na važnost samoizolacije;
- Podsjećati na važnost dobre higijenske prakse;
- Površine koje se često dodiruju se često moraju prati sa sredstvima koja se inače koriste za pranje;
- Gdje je moguće, postaviti dezinfekcione barijere na frekventnim mjestima, na ulazima u prostorije;
- Unaprijediti i pojačati proces čišćenja i održavanja prostorija i opreme;
- Omogućiti dovoljno prostora/razmaka među radnicima;
- Na pauzama poštovati pravilo propisane distance;
- Od velike je važnosti osigurati kontinuiranu dostupnost higijenskih sredstava za osoblje (sapuni, odgovarajuće dezificijense).
- Kroz internu ili eksternu edukaciju važno je osoblju skrenuti pažnju kako se pravilno peru ruke i kako se pravilno dezinficiraju.

(4) Organizacijski je potrebno uraditi sljedeće:

- Kontinuirano komunicirati i raditi na svijesti radnika o simptomima i važnosti samoizolacije;
- Promovisati atmosferu takvu da se se oboljela osoba ne osjeća stigmatizirano te da mogu ići kući dok se ne oporave;
- Razmotriti alternativne metode održavanja sastanaka i sjednica (online, telefonski), te rad od kuće; Koristiti telefone, video-konferencije i internet za poslovanje što je više moguće kao zamjenu za sastanke;
- Kada su sastanci neophodni, organizovat će se u što većim prostorijama, te ostavite dovoljan razmak između osoba;
- Gdje je moguće, direktni kontakti se trebaju izbjegavati odnosno neophodno je držati dozvoljenu distancu između osoblja i trećih lica koje posjećuje školu ;
- Nastavnici je potrebno da konstantno podsjećaju učenike na redovno i pravilno pranje ruku. Učenici moraju prati ruke prije ulaska u učionice, prije i nakon korištenja toaleta, prije i nakon eventualnog jela, nakon dolaska izvana, nakon kašljanja, kihanja, čišćenja nosa, kao i uvijek kada ruke izgledaju prljavo.
- Konzumiranje užine moguće je u učionici u kojoj grupa prati nastavu. Nije dozvoljeno korištenje zajedničkih prostora škole za konzumiranje užine. Potrebno je stalno podsjećati na higijenu ruku i površina, te provoditi higijensko-epidemiološke mjere.
- Ukoliko učenik razvije bilo koji od simptoma COVID-19 ili sezonske gripe u školi, učenika se izoluje u posebnu prostoriju, nastavnik kontaktira drugo ovlašteno lice škole (pedagog, sekretar, direktor, zamjenik direktora, stručni saradnik) da pozove roditelja / staratelja učenika/ice da odmah dođu po učenika u školu i obrate se nadležnom ljekaru. Dok ovlašteno lice škole kontaktira roditelje i dok roditelji ne preuzmu učenika, za učenika se obezbjeđuje briga u školi. Ukoliko dođe do potvrde infekcije COVID-19 kod učenika i/ili nastavnika ostatak odjeljenja nastavlja raditi po ustaljenom modelu uz nastavak poštivanja svih epidemioloških mjera. S obzirom na zakonsku obavezu poštivanja svih mera prevencije, smatra se da se nastava može nesmetano odvijati po ustaljenom modelu.

(5) Uprava škole i razrednici dužni su obavijestiti roditelje o sljedećem:

- Da ne dolaze u pratnji učenika ako imaju simptome respiratorne bolesti (povišenu tjelesnu temperaturu, kašalj, teškoće u disanju, ako im je izrečena mjera samoizolacije ili ako imaju saznanja da su zaraženi sa COVID-19 ili došli u kontakt sa COVID-19 pozitivnom osobom.

- Da ne dovode dijete u školu ako dijete ima simptome respiratorne bolesti (povišena tjelesna temperatura, kašalj, teškoće u disanju, ako ima izrečenu mjeru samoizolacije te ako je dijete zaraženo s COVID-19 ili došlo u kontakt sa COVID-19 pozitivnom osobom.

Član 3.

(Organizacija rada)

- (1) Organizacija rada će se prilagođavati trenutnoj epidemiološkoj situaciji.
- (2) Škola je dužna voditi evidenciju o broju učenika i radnika (posebno za nastavnike, posebno za ostale radnike) oboljelih od COVID-19 i na poziv Ministarstva ili Zavoda za javno zdravstvo Kantona Sarajevo o istom će dostaviti izvješaj i informacije.

Član 4.

(Dezinfekcija prostorija)

- (1) Radi zdravstvene i epidemiološke zaštite svih radnika koji dolaze na posao i trećih lica koja dolaze u prostorije škole, svakodnevno će se vršiti dezinfekcija svih prostorija, posebno nakon svake okončane smjene.
- (2) Detaljna čišćenje i dezinfekcija mokrih čvorova i ostalih prostorija vrši se najmanje tri puta dnevno i o tome se vodi pisana evidencija.
- (3) Najmanje tri puta dnevno će se čistiti dodirne tačke u školi, kao što su ručke na vratima, slavine u toaletima i kuhinjama, tipke vodokotlića, prekidači za struju, zvono na vratima škole, te druge dodirne površine koje koristi veći broj osoba.
- (4) Redovno, najmanje dva puta dnevno, će se provjetravajte sve prostorije.
- (5) Na ulazi u prostorije škole postavljeno je dezinfekciono sredstvo za ruke, uputstvo o pravilnom pranju ruku i korito za dezinfekciju obuće. Određuje se da će nadzor i kontrolu potpunosti dezinfekcijskim sredstvima vršiti spremačice u okviru svojih radnih zadataka.

Član 5.

(Postupak pri ulasku u prostoriju škole)

Radnici, roditelji i učenici škole dužni su da se pridržavaju svih propisanih epidemioloških mjera, preporuka i smjernica nadležnih organa i institucija.

Neophodno je smanjiti protok/dolazak broja osoba koje nisu radnici škole, roditelji niti učenici škole. Boravak u zbornicama i drugim društvenim/zajedničkim prostorijama treba biti sveden na minimum.

Svi radnici koji dolaze na posao, kao i treća lica koja iz bilo kojeg razloga dolaze u prostorije škole dužni su voditi računa o radu u uslovima fizičke distance. Prilikom dolaska i odlaska na posao svi radnici i treća lica su dužni pridržavati se preporučenih i određenih mjera zaštite (maske), te neposredno prilikom ulaska u prostorije škole koristiti dezinfekciona sredstva, odnosno izvršiti dezinfekciju ruku i obuće. Prilikom dolaska i odlaska na posao svim radnicima i trećim licima dežurni radnik (domar) će na ulazu u školu provjeravati tjelesnu temperaturu svim radnicima beskontaktnim toplomjerom, o čemu će se voditi posebna evidencija. Prije ulaska u učionicu, nastavnici ponovo dezinfikuju ruke. Ostali radnici također, nakon što uđu u kancelariju, kuhinju ili drugi prostor.

Maske za lice radnici i drugi posjetioци škole su obavezni nositi prilikom boravka u školi. Od obaveze nošenja maski izuzeti su učenici uzrasta od 6 do 11 godina dok su u učionici, djeca mlada od šest godina, osobe koje imaju problema sa disanjem zbog hroničnih bolesti ili koja ne mogu skinuti masku bez pomoći druge osobe (npr. osobe sa intelektualnim poteškoćama ili smetnjama u razvoju), osobe s oštećenjem sluha, učenici za vrijeme realizacije nastave iz predmeta Tjelesni i zdravstveni odgoj/sport.

Član 6.

(Postupak u slučaju sumnje na prisustvo virusa)

(1) Radnicima se svakodnevno prilikom dolaska na posao mjeri tjelesna temperatura. U slučaju povišene tjelesne temperature ili bilo kojeg respiratornog simptoma, isti se vraćaju kući i javljaju izabranom ljekaru porodične medicine. Ukoliko se radniku povisi tjelesna temperatura i/ili se pojavi neki od respiratornih simptoma u toku radnog vremena, dužni su odmah napustiti radno mjesto, te o tome obavijestiti nadređenog i javiti se svom izabranom ljekaru porodične medicine.

(2) U slučaju da uprava škole ima epidemiološku sumnju prilikom realizacije neposrednog odgojno-obrazovnog procesa u vezi sa infekcijom COVID-19, kontaktirat će epidemiološku službu. U slučaju infekcije obaveza je svih radnika škole, da održavaju situaciju mirnom, staloženom bez širenja panike i da postupaju po epidemiološkim mjerama i smjernicama i organizaciono obezbjeđe nastavak daljnjeg nastavnog procesa učenicima koji nisu bili izloženi.

Član 7.

(Stupanje Kriznog plana na snagu)

(1) Krizni plan stupa na snagu 01.09.2021. godine i njegov sadržaj će se mijenjati u zavisnosti od izmjene okolnosti i potrebe postupanja po naredbama i odlukama nadležnih organa entiteta, kantona ili lokalnih zajednica.

(2) Škola će neposredno primjenjivati sve buduće mjere i postupke nadležnih organa u skladu sa datom epidemiološkom situacijom.

(3) Stupanjem na snagu ovog Kriznog plana prestaje da važi Krizni plan pripravnosti broj: 205/20 od 31.08.2020.godine.

Broj: 250/21

Datum: 31.08.2021.g.

Dostavljeno:

1. Na oglasnu ploču
2. Za objavu na web stranici škole
3. a/a

